



Inatsisartunut ilaasortaq Aqqaluaq B Egede, Inuit Ataqatigiit
Maani

Akiitsut pillugit § 37 naapertorlugu nr. 150-mut akissuteqaat

Akiitsut akiitsullu akilersorneqarnissaat pillugit apeqputinut ataatsimoortillugit akiniarsarineqartussanut Naalakkersuisut qujapput.

Pisortanut akiitsorpassuit piffissami innuttaasunit amerliartortinnejarsimasut iliuuseqarfiginissaat pingaaruteqartoq Naalakkersuisut isumaqataalluinnarpaat. Naalakkersuisut Attassisinnaanermut siuariartornermullu pilersaarutaanni aprilli 2015-imeersumi (saqqummiussap kalaallisuuani qupperneq 136-137-im aamma qallunaatuani qupperneq 121-122-im) ajornartorsiutaasinnaasut ilai allaaserineqarput, immikkoortumilu saqqumilaartut misissorneqarput, taamatut suliniutissat ilai maannakkut eqqarsaatigineqartut allaaserineqarput.

Taamaalilluni erserpoq, Naalakkersuisut akiitsut akiitsullu akilersorneqarnissaat pillugit nassuaammik suliaqartut. Matumani ilanngullugu siunnersuisoqarfimmik pilersitsisinnaanermut tunngatillugu ilaatigut eqqaasaatigineqartunut ilaavoq.

Sulineq nassuaammik kinguneqassasoq, UKA 2016-imut atatillugu ataatsimiititalianut attuumassuteqartunut agguanneqarsinnaasumik, matumuuna naatsorsuutigineqarpoq.

Suliarinnineq pissaaq ilaatigut kommunit allat, KANUKOKA, inatsisitigut siunnersuisarfik Ikuu, inissiaatileqatigiaffit, naalakkersuisoqarfii attuumassuteqartut aamma Naatsorsueqqissaartarfiup oqaloqatiginerisigut. Taamaaliortoqassaaq ajornartorsiutit oqaasertialorneri tassungalu aaqqiissutissatut inassutigineqartut piukkunnaateqalersinniarlugit. Matumani ilanngulligit apeqputit § 37 naapertorlugu apeqputigineqartut, erseqqarinnerusumik akiniarsarineqassapput.

Suliamit paassisutissaagallartut takutippaat, nunami sumiiffinni akiitsut angissusaat assiginngisitaartut, akiligassat akilinngisat qanoq issusiisa assiginngitsut assiginngisitaarneri, aamma aningasaarsiorut sorliit, kikkorpiaat akiligassanik akilinngisanik akiligassarpassuaqarnersut. Ukiogatigiaat assiginngitsut akiligassanut akilinngisaannut tunngasunut paassisutissat sulinermi suli misissorneqanngillat, kisianni maannamuugallartoq kisitsisit takutippaat, 45-49-nik ukiullit gruppiat annerpaamik akiitsunut akiligassalinni annerpaajusoq, tassanilu ingammik pineqarput akilersuutinut akiligassat akilinngisat.

Nassuaammi ilaatigut ukkanneqarput ineqarnermut akiligassat akilinngisat, akilersuutinut tunngatillugu akiligassat akilinngisat, meeqqanut inissinneqarsimasunut paaqqinniffinnullu angajoqqaat akiliutaat, pisortanit ikorsiissutit utertillugit akiligassat, eqqaaveqarnermut akiligassat akilinngisat aamma akileraarutinut akiligassat akilinngisat.

Allakkap ullua: 04-07-2016
Suliap nr. 2016 - 953
Allagaatip suussusia 3058072
J. nr. 24.27.02

P. O. Box 1037
3900 Nuuk
Oqa. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Nassuaammik sulinermi aallaavagineqarpoq, tunngaviusumik aaqqiissutissatut siunnersuutitut saaffiginninnerussasoq, akiitsut akiitsullu akilersornerinut ajornartorsiutit aqunnerini immikkoortinneqassasut:

1. innuttaasut akiliinissamut piumassuseqanngitsut, aamma
2. innuttaasut akiliisinnaassuseqanngitsut.

Pisortat innuttaasut pisariaqartitsisut angusassamik toraagaqarlutik ikiussavaat, kisiannili aamma innuttaasunut tulluartumik piumasaqaatinik pilersitsissallutik, nammineq akisussaaneq naleqassuserlu pilerseqqissinnaaniassammassuk. Tassa innuttaasut siunnersorneqassapput ikiorneqarlutilli ajornartorsiutitik sapinngisamik aaqqissinnaassamatigit. Peqatigillugu innuttaasut piviusumik ikiorneqarnissamik pisariaqartitsinngitsut namminnerlu akiliisinnaassuseqartut, isumaginninnikkut ataqtigiisummik aaqqissuussinernut, aningaasatigut sulisoqarniarnikkullu ajornartorsioreersunut nanertuutaanissamut taarsiullugu, akilersuutitik akilersinnaaqqullugit tamatumunnga kajumissaarneqassapput.

Paassisutissanik katersineq, suliarinninneq taassumalu kinguneranik misissuineq suli ingerlavoq, akiitsunut akiitsullu akilersornerinut attuumassuteqartunik ajornartorsiutinut arlaqartunut politikkikkut isummivinnissamut Naalakkersuisut suli periarfissaqarsimannigillat.

Naalakkersuisut tassunga periarfissaqalerpata, ilimanarpooq septembarimi 2016-imi, nassuaat siusinnerusukkut oqaatigineqareersutut Inatsisartunut nassiunneqassaaq. Aammattaaq politikkikkut oqallisiginninneq piffissami tassani tunngavissamik ilisimasaqarnerulluni ingerlanneqarsinnaavoq.

Inussiarnersumik inuullaqqusillunga

Med venlig hilser

Randi V. Evaldsen